

## საქონლის ნასყიდობის ხელშეკრულება

ერთის მხრივ,----- „-----“ (ს/კ -----) (შემდგომში „მყიდველი“) მდებარე საქართველო,-----, წარმოდგენილი დირექტორის ----- სახით და მეორეს მხრივ, შპს „მოსავლის მართვის კომპანია“ (ს/კ 405406109) (შემდგომში „გამყიდველი“), მდებარე საქართველო, თელავის რაიონი, სოფ. აკურა, წარმოდგენილი დირექტორის პაატა ჭავჭავაძის სახით

თითოეული წოდებული მხარედ, ხოლო ერთობლივად მხარეები, ვაფორმებთ წინამდებარე ხელშეკრულებას (შემდგომში „ხელშეკრულება“) შემდეგზე:

### 1. ხელშეკრულების საგანი

ხელშეკრულების საგანს წარმოადგენს მყიდველის მიერ გამყიდველის საკუთრებაში არსებული 200000 (ორასი ათასი) ლიტრი აბსოლუტური ალკოჰოლის შემცველი ღვინის ახალგაზრდა საბრენდე სპირტი „ღვინის დისტილატი“ (სპირტის შემცველობა 68,0-75,0%-მდე) (შემდგომში „ნივთი“) შესყიდვა ხელშეკრულების პირობების შესაბამისად.

### 2. მხარეთა უფლება-მოვალეობები

#### 2.1 მყიდველი უფლებამოსილია:

- 2.1.1 მოსთხოვოს გამყიდველს ნივთის გადაცემა ხელშეკრულების პირობების შესაბამისად;
- 2.1.2 მოსთხოვოს გამყიდველს ხელშეკრულებით ნაკისრი ვალდებულებების კეთილსინდისიერი და ჯეროვანი შესრულება.

#### 2.2 მყიდველი ვალდებულია:

- 2.2.1 განახორციელოს ნივთის ღირებულების გადახდა ხელშეკრულების პირობების შესაბამისად;
- 2.2.2 შესაბამისი მიღება-ჩაბარების აქტის საფუძველზე მოახდინოს ნივთის მიღება და გატანა.
- 2.2.3 მოახდინოს ნივთის შემოწმება მხარეთა შორის შესაბამისი მიღება-ჩაბარების აქტის გაფორმებამდე;
- 2.2.4 შეასრულოს ხელშეკრულებით ნაკისრი ვალდებულებები სრულად და ჯეროვნად.

#### 2.3 გამყიდველი უფლებამოსილია:

- 2.3.1 მოსთხოვოს მყიდველს ნივთის ღირებულების ანაზღაურება;
- 2.3.2 არ მოახდინოს ნივთის მიწოდება იმ შემთხვევაში, თუ მყიდველი არ მოახდენს ანგარიშსწორებას ხელშეკრულების პირობების შესაბამისად;
- 2.3.3 მყიდველის მიერ ხელშეკრულებს 2.2.1 პუნქტის დარღვევის შემთხვევაში, დააკისროს პირგასამტეხლო ხელშეკრულების 5.2 პუნქტის შესაბამისად;
- 2.3.4 მოსთხოვოს მყიდველს ხელშეკრულებით ნაკისრი ვალდებულებების კეთილსინდისიერი და ჯეროვანი შესრულება.

#### 2.4 გამყიდველი ვალდებულია:

- 2.4.1 მიაწოდოს მყიდველს ნივთობრივად და უფლებრივად უნაკლო ნივთი, ხელშეკრულების პირობების შესაბამისად;
- 2.4.2 შეასრულოს ხელშეკრულებით ნაკისრი ვალდებულებები სრულად და ჯეროვნად.

### 3. ნივთის მიღების პირობები

3.1 შეძენილი საქონელი გაიტანოს (მისი შენახვის ადგილიდან) და ნასყიდობის თანხა გადაიხადოს ხელშეკრულების გაფორმებიდან არაუგვიანეს 12 თვის ვადაში, შეთანხმებული დაფარვის (ყოველკვარტალური) გრაფიკის შესაბამისად.

3.2 ნივთის მიწოდებისას მხარეთა უფლებამოსილ პირებს შორის ფორმდება შესაბამისი მიღება-ჩაბარების აქტი.

#### **4. ხელშეკრულების ღირებულება და ანაზღაურების პირობები**

4.1 1 (ერთი) ლიტრი ნივთის ღირებულება შეადგენს ----- (-----) ლარს, ნივთის სრული ღირებულება შეადგენს ----- (-----) ლარს.

4.2 მყიდველი ვალდებულია გამოცხადდეს ნასყიდობის ხელშეკრულების ხელის მოწერის მიზნით შპს „მოსავლის მართვის კომპანიაში“ აუქციონის დასრულებიდან ხუთი კალენდარული დღის ვადაში.

4.3 მყიდველი ვალდებულია დაფაროს შესყიდული საბრუნდე სპირტის ღირებულება ხელშეკრულების გაფორმებიდან არაუგვიანეს 12 თვის ვადაში, შეთანხმებული დაფარვის (ყოველკვარტალური) გრაფიკის შესაბამისად.

4.4 თუ ელექტრონულ აუქციონში მონაწილე ვერ გაიმარჯვებს, მას უპირობო და გამოუხმობი საბანკო გარანტიის/ბეს თანხა უკან უბრუნდება, ხოლო გამარჯვების შემთხვევაში - უპირობო და გამოუხმობი საბანკო გარანტიის/ბეს თანხა ითვლება აუქციონის საბოლოო/შეთავაზებულ ფასში.

4.5 ელექტრონულ აუქციონში მონაწილის უპირობო და გამოუხმობი საბანკო გარანტიის/ბეს თანხა უკან დაბრუნებას არ ექვემდებარება, თუ:

ა) ელექტრონულ აუქციონში გამარჯვებული დადგენილ ვადაში არ გადაიხდის ელექტრონულ აუქციონზე თავის მიერ დასახელებულ თანხას.

4.6 უპირობო და გამოუხმობი საბანკო გარანტიის მოქმედების ვადა არანაკლებ 30 კალენდარული დღით უნდა აღემატებოდეს ნასყიდობის საფასურის სრულად გადახდის ბოლო ვადას.

4.7 აუქციონის შედეგები უქმდება თუ:

- ა) აუქციონში გამარჯვებულმა განსაზღვრულ ვადაში სრულად არ გადაიხადა ნასყიდობის საფასური;
- ბ) აუქციონში გამარჯვებულმა უარი განაცხადა ნასყიდობის ხელშეკრულების ხელმოწერაზე; აღნიშნულ შემთხვევაში წარმოდგენილი უპირობო და გამოუხმობადი საბანკო გარანტიის/ბეს თანხა არ უბრუნდება აუქციონში გამარჯვებულს.

#### **5. პასუხისმგებლობა, ხელშეკრულების პირობების შეუსრულებლობა**

5.1 ფორს-მაჟორული პირობების გარდა, მხარეების მიერ ხელშეკრულების პირობების შეუსრულებლობისთვის, არაჯეროვნად ან/და ნაწილობრივ შესრულების შემთხვევაში გამოიყენება საჯარიმო სანქციები.

5.2 ნასყიდობის თანხის გადახდის ვადის დარღვევის შემთხვევაში მყიდველს დაეკისრება პირგასამტეხლო ყოველ ვადაგადაცილებულ დღეზე 500 ლარის ოდენობით, მაგრამ არაუმეტეს 100 000 ლარისა. პირგასამტეხლოს დარიცხვა შეწყდება თუ იგი მიაღწევს 100 000 ლარს ან დადება შესაბამისი წლის 01 ივლისი, (იმის მიხედვით, უფრო ადრე რომელი მოხდება). ასეთ, შემთხვევაში კომპანია უფლებამოსილია შეწყვიტოს ხელშეკრულება, მყიდველს არ დაუბრუნდება ბე-ს სახით გადახდილი თანხა და იგი ვალდებულია გადაიხადოს დარიცხული პირგასამტეხლო.

5.3 იმ შემთხვევაში, თუ გამყიდველმა არ მიაწოდა მყიდველს ნივთი, გამყიდველს დაეკისრება პირგასამტეხლოს გადახდა მისაწოდებელი ნივთის ღირებულების 0,02% ოდენობით ყოველ ვადაგადაცილებულ დღეზე.

5.4 იმ შემთხვევაში, თუ გამყიდველმა მიაწოდა მყიდველს ნივთი ხელშეკრულების პირობების დარღვევით, გამყიდველს დაეკისრება პირგასამტეხლოს გადახდა მოთხოვნილი ნივთის ღირებულების 0,02%-ის ოდენობით ყოველ ვადაგადაცდილებულ დღეზე.

## **6. ფორს-მაჟორი**

6.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა, ემბარგოს დაწესება, ასიგნებების მკვეთრი შემცირება და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მყიდველის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.

6.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

6.3 ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

6.4 იმ შემთხვევაში, თუ ფორს-მაჟორული გარემოებების დადგომის გამო იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## **7. ხელშეკრულების მოქმედების ვადა**

7.1 ხელშეკრულება ძალაში შედის მისი ხელმოწერისთანავე და მოქმედებს 2023 წლის -----მდე.

7.2 ხელშეკრულების ვადის გასვლა არ წარმოადგენს მხარის მიერ ნაკისრი ვალდებულების შეუსრულებლობის საფუძველს.

## **8. ხელშეკრულების შეწყვეტა**

ხელშეკრულება შესაძლებელია შეწყდეს:

- ა) მხარეთა შეთანხმებით;
- ბ) ხელშეკრულების ვადის გასვლის შემთხვევაში;
- გ) იმ შემთხვევაში, თუ ერთი მხარე არღვევს ხელშეკრულების პირობებს.
- დ) კანონმდებლობით გათვალისწინებულ სხვა შემთხვევაში.

## **9. კონფიდენციალური ინფორმაცია**

მხარეები ვალდებული არიან არ გაამჟღავნონ ხელშეკრულების მოქმედების განმავლობაში მიღებული ინფორმაცია მესამე პირებთან და არ გამოიყენონ იგი პირადი სარგებლობისათვის. ეს ვალდებულება არ წყდება ხელშეკრულების ვადის გასვლის, შეწყვეტისა თუ სხვა გარემოების დროს.

#### 10. მარეგულირებელი კანონმდებლობა

ხელშეკრულება რეგულირდება საქართველოს კანონმდებლობით.

#### 11. დავების გადაწყვეტა

11.1 ხელშეკრულების საფუძველზე წამოჭრილი დავები წყდება ურთიერთშეთანხმების გზით.

11.2 შეთანხმების მიუღწევლობის შემთხვევაში მხარეები მიმართავენ საქართველოს სასამართლოს.

#### 12. სხვა პირობები

12.1 მყიდველი ხელს აწერს რა წინამდებარე ხელშეკრულებას, ეთანხმება საქართველოს საგადასახადო კოდექსის 194 მუხლის „დ“ პუნქტს, რომლის მიხედვითაც იგი ვალდებულია აღნიშნული ქართული ღვინის ახალგაზრდა საბრენდე სპირტიდან აწარმოოს 2208-20 სასაქონლო სუბპოზიციით გათვალისწინებული პროდუქცია, წინააღმდეგ შემთხვევაში აღნიშნულ სააუქციონო ფასს დაემატება აქციზის განაკვეთი.

12.2 ხელშეკრულება შედგენილია ქართულ ენაზე, 2 (ორ) ეგზემპლარად, რომელთაგან თითოეულს აქვს თანაბარი იურიდიული ძალა და ინახება მხარეებთან.

12.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

12.4 ხელშეკრულების ცალკეული პირობის ან მუხლის სრული ან ნაწილობრივი ბათილობა არ ახდენს გავლენას ხელშეკრულების სხვა პირობებზე.

#### 13. მხარეთა რეკვიზიტები და ხელმოწერები

| მყიდველი                                                                                                                           | გამყიდველი                                                                                                                                                                                                                         |
|------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------|
| -----<br><br>ს/კ-----<br><br>მისამართი: -----<br><br>ბანკის კოდი-----<br><br>ანგ #: GE-----<br><br>დირექტორი<br>-----<br><br>----- | შპს „მოსავლის მართვის კომპანია“<br><br>ს/კ 405406109<br><br>მისამართი: თბილისი, მარშალ გელოვანის გამზ. #6<br><br>ბანკის კოდი TBCBGE 22<br><br>ანგ #: GE98TB7992036060100001<br><br>დირექტორი<br><br>პაატა ჭავჭავანიძე<br><br>----- |